

## UGOVORNE STRANE

1. **UNIVERZITET U SARAJEVU**, Obala Kulina bana 7/II, Sarajevo, kojeg zastupa rektor prof. dr. Rifat Škrijelj (dalje u tekstu: Naručilac), ID broj: 4200494560007
2. „**MITA GROUP**“ d.o.o. Sarajevo, Kralja Tvrtka 10, 71000 Sarajevo, kojeg zastupa direktor Ejub Kučuk (u daljnjem tekstu: Izvršilac), ID: 4200343510008  
Transakcijski račun br. 1994990020924953 kod Sparkasse banke d.d. BiH

zaključile su

## UGOVOR o pružanju usluge-Promocija događaja

### I - PREDMET UGOVORA

#### Član 1.

- (1) Predmet ovog Ugovora je nabavka usluge-Promocija događaja – organizacija događaja promocije EEN mreže, za potrebe Naručioaca, u skladu sa Zahtjevom za dostavljanje ponude Naručioaca broj: 0101-2060-2/18 od 27. 03. 2018. godine (u daljnjem tekstu: Zahtjev Naručioaca) i prihvaćenom Ponudom Izvršioaca broj: 23-A-04/18 od 24. 04. 2018. godine (u daljnjem tekstu: Ponuda Izvršioaca), koja je po tom osnovu sastavni dio ovog Ugovora.
- (2) Izvršilac se obavezuje da izvrši nabavku ugovorene usluge u skladu sa Ponudom Izvršioaca, Zahtjevom Naručioaca i pozitivnim propisima koji uređuju predmetnu oblast.

### II – CIJENA

#### Član 2.

- (1) Ukupna cijena ugovorene usluge iznosi 3.350,00 KM (trihiljadetrinstotinepedeset KM i 00/100) bez PDV-a.
- (2) Odobreni popust iznosi 20%, odnosno 670,00 KM, te ukupna cijena ugovorene usluge iznosi 2.680,00 KM (dvijehiljadešeststotinaosamdeset KM i 00/100).
- (3) PDV iznosi: 455,60 KM (četiristotinepedesetpet i 60/100).
- (4) Ukupna vrijednost ugovorene usluge sa PDV-om iznosi: 3.135,60 KM (trihiljadestotinutridesetpet KM i 60/100).
- (5) Cijena u toku trajanja ovog Ugovora se ne može mijenjati.

### III – FAKTURISANJE I NAČIN PLAĆANJA

#### Član 3.

- (1) Naručilac će plaćanje ugovorene usluge vršiti u roku od 30 (trideset) dana od dana dostavljanja fakture.
- (2) Izvršilac dostavlja fakturu na adresu Naručioaca, Obala Kulina bana 7/II, 71000 Sarajevo (Pisarnica).
- (3) Ovjeru dostavljene fakture će izvršiti ovlašteno lice od strane Naručioaca, nakon što utvrdi da je ugovorena usluga izvršena u skladu sa ovim Ugovorom.
- (4) Plaćanje se vrši po dospijeću na transakcijski račun Izvršioaca.

### IV – VRIJEME I MJESTO VRŠENJA USLUGE

#### Član 5.

Mjesto vršenja usluge je:

- Univerzitet u Sarajevu, Obala Kulina bana 7/II

Vrijeme izvršenja usluge je:

- 10. 05. 2018. godine
- 13. 09. 2018. godine

### V – OBAVEZE NARUČIOCA

#### Član 6.

Naručilac se obavezuje da će plaćanje obaveza iz ovog Ugovora vršiti u skladu sa članom 3. ovog Ugovora.

## **VI – OBAVEZE IZVRŠIOCA**

### **Član 7.**

Izvršilac je dužan da:

- izvrši uslugu u skladu sa Zahtjevom Naručioca i Ponudom Izvršioca,
- dostavi fakturu u skladu sa članom 3. ovog Ugovora.

## **VII – TRAJANJE UGOVORA**

### **Član 8.**

Ovaj Ugovor se zaključuje do realizacije ugovorene usluge.

## **VIII – POSLOVNA TAJNA**

### **Član 9.**

Izvršilac se obavezuje da će u vremenu trajanja ovog Ugovora i po njegovom prestanku, kao poslovnu tajnu, čuvati sve tajne informacije i poslovne tajne Naručioca, kao i ostale podatke koji su Izvršiocu dostupni, a odnose se na Naručioca i njegovo poslovanje.

## **IX – VIŠA SILA**

### **Član 10.**

Ako slučaj više sile potpuno ili djelimično spriječi izvršenje ugovorenih obaveza, Izvršilac je dužan da obavijesti Naručioca u roku od 5 (sedam) dana od dana nastanka više sile.

## **X – RASKID UGOVORA**

### **Član 11.**

- (1) Svaka ugovorna strana ima pravo raskinuti ovaj Ugovor.
- (2) Naručilac ima pravo jednostranog raskida ovog Ugovora i zadržati pravo na naknadu prouzrokovane štete, ukoliko se Izvršilac ne pridržava odredaba ovog Ugovora, kao i u slijedećim slučajevima:
  - ako kvalitet usluga ne odgovara ugovorenim,
  - ako Izvršilac ne otkloni nedostatke po primjedbama Naručioca,
  - ako Izvršilac iz bilo kojeg razloga, izuzev više sile, dođe u situaciju da ne može izvršiti ugovorene usluge.
- (3) Obavijest o jednostranom raskidu dostavlja se drugoj ugovornoj strani isključivo u pisanoj formi.
- (4) Obavijest mora sadržavati razlog raskida Ugovora.
- (5) Otkazni rok iznosi 30 (trideset) dana.
- (6) U slučaju raskida Ugovora, ugovorne strane su saglasne da će u svemu izvršiti međusobne uzajamne obaveze nastale do tog roka.

## **XI – RJEŠAVANJE SPOROVA**

### **Član 12.**

Sve eventualne sporove po ovom Ugovoru, ugovorne strane će rješavati sporazumno, u duhu dobrih poslovnih odnosa i uzajamnog povjerenja.

## **XII – ZAVRŠNE ODREDBE**

### **Član 13.**

Ugovorne strane su saglasne da se za sva druga pitanja koja nisu regulisana ovim Ugovorom, a budu od značaja za implementaciju istog, primjenjuju odredbe Zakona o obligacionim odnosima.

### **Član 14.**

Sve izmjene i dopune ovog Ugovora mogu se vršiti samo uz postignutu saglasnost ugovornih strana. Bilo kakvi usmeni dogovori predstavnika ugovornih strana neće imati pravni značaj.

### **Član 15.**

Ugovorne strane su saglasne da će sva korespondencija u vezi sa izvršenjem ugovora voditi neposredno ili putem svojih ovlaštenih predstavnika koje će imenovati ugovorne strane odmah po potpisivanju ovog Ugovora.

**Član 16.**

- (1) Ovaj Ugovor stupa na snagu kada ga potpišu i ovjere ovlaštene predstavnici ugovornih strana.
- (2) Datum kasnijeg potpisivanja ovog Ugovora, smatra se datumom stupanja na snagu ovog Ugovora.

**Član 17.**

Ovaj Ugovor sastavljen je u 4 (četiri) jednaka primjerka, od kojih svaki ima dokaznu snagu originala. Svaka ugovorna strana zadržava po 2 (dva) primjerka.

**IZVRŠILAC:**

**Direktor**  
**Ejub Kučuk**

Sarajevo, 04.05.2018. g.  
Broj: 10-05/2018



**NARUČILAC:**

**Rektor Univerziteta u Sarajevu**  
**Prof. dr. Rifat Škrijelj**

Sarajevo, 04. 05. 2018. g.  
Broj: 0101-2060-4/18

